

অবহেলিত লোকদের কাছে মিশনারীদের প্রেরণ


যারা শিশুদের শিক্ষা দেন তাদের অবশ্যই S2b অধ্যায়টি পাঠ করা উচিত।

প্রার্থনা : “প্রিয় প্রভু, তোমার মহান আদেশ পালনের এবং যারা খ্রীষ্টের পরিব্রাজনের সুসমাচার পান নি তাদের কাছে কর্মীদের প্রেরণের জন্য আমাদের সাহায্য করুন।”

১. অবহেলিত লোকদের মধ্যে খ্রীষ্টের আন্দোলন শুরু করার জন্য প্রস্তুত হন, যাতে তাদের মধ্যে বিশ্বাসীর সংখ্যা বহুগুণ বৃদ্ধি লাভ করে।

টীকা : যিরুশালেম, য়াফো, আস্তিয়োখিয়া, রোম, ইফিষ, কলসীয় এবং নতুন নিয়মের অন্যান্য শহরের উপাসক মণ্ডলী অন্যান্য স্থানে শিষ্য তৈরীর জন্য কর্মীদের প্রেরণ করেছিলেন।

প্রেরিত ১ঃ৮ পদে খুঁজে দেখুন, যীশু চারটি স্থানে তাঁর শিষ্যদের যেতে বলেছিলেন এবং তাঁর সাক্ষী হতে বলেছিলেন। (উত্তর : যিরুশালেম) (আপনার নিজস্ব সমাজ, সংস্কৃতি এবং ভাষা), যিহুদীয়া (একই সংস্কৃতির নিকটবর্তী অবহেলিত সমাজ সমূহ), শমরীয়া (নিকটবর্তী অন্য সংস্কৃতির জনগোষ্ঠী), পৃথিবীর প্রান্ত অবধি (ভিন্ন সংস্কৃতির দূরবর্তী জনগোষ্ঠী)।



প্রেরিত ১ঃ১-৩ পদে খুঁজে দেখুন, পৌল এবং বার্নাবাকে প্রেরণের জন্য আস্তিয়োখিয়ার উপাসক মণ্ডলী কি করেছিলেন।

প্রেরিত ১৩ এবং ১৪ অধ্যায় পাঠ করুন এবং নতুন উপাসক মণ্ডলী শুরু করার জন্য পৌল এবং বার্নাবা যা যা করেছিলেন সেই সমস্ত বিষয় টুকে রাখুন।

প্রেরিত ১৪ঃ২৬-২৮ পদে খুঁজে দেখুন, পৌল এবং বার্নাবা যখন তাদের প্রেরণকারী মণ্ডলীতে ফিরে এসেছিলেন, তখন তৎক্ষণাৎ তারা কি করেছিলেন।

লুক ২৪ঃ৪৬-৪৮ পদে খুঁজে দেখুন, আমরা যখন সুসমাচার প্রসারের কাজ করব তখন আমাদের কি ঘোষণা করতে হবে। আপনি যে কর্মীদের পাঠাবেন তাদের মধ্যে কয়েকটি নির্দিষ্ট বিষয় দক্ষতা থাকতে হবে, এই নিম্নলিখিত চারটি বিষয় সেই দক্ষতার অন্তর্ভুক্ত :

চারটি দক্ষতার বিষয় যা মিশনারীদের অবশ্যই শিখতে হবে

দক্ষতা ১. অন্য সংস্কৃতির উপযোগী করা।

- নতুন বিশ্বাসীদের আপনার ঘরোয়া উপাসক মণ্ডলীর মত একইভাবে আরাধনা করতে এবং সুসমাচার প্রসার করতে প্রভাবিত করবেন না।
- সাংস্কৃতিক প্রভেদকে শ্রদ্ধা করুন। খ্রীষ্টের এবং তাঁর প্রেরিতদের আদেশ সমূহের বাধ্যতা ছাড়া নতুন বিশ্বাসীদের ওপর কোন কিছু দাবী করবেন না।
- কর্মীদের অন্য ভাবে শিক্ষা গ্রহণের প্রয়োজন হতে পারে।
- কেবলমাত্র সেই পদ্ধতিগুলো ব্যবহার করুন যা নতুন বিশ্বাসীরা অনুকরণ করতে পারেন এবং অন্যদের কাছে দিতে পারেন।
- নতুন উপাসক মণ্ডলীর নতুন কর্মীদের কাছে সু প্রাপ্য উপকরণগুলোই কেবলমাত্র ব্যবহার করুন।
- স্থানীয় লোকদের সঙ্গে প্রতিশ্রুতিবদ্ধ হন। তাদের প্রেম করুন। তাদের মধ্যে থেকে বন্ধু তৈরী করুন।

দক্ষতা ২. এমনভাবে সুসমাচার প্রসারিত করুন, যাতে সুসমাচার পরিবার থেকে পরিবারে, বন্ধু থেকে বন্ধুতে প্রবাহিত হয়। এমনভাবে যীশুর মৃত্যু এবং পুনরুত্থানের বিষয় গল্প বলুন যাতে নতুন বিশ্বাসীরাও তাদের বন্ধুদের কাছে তা বলতে পারেন। এমন উপকরণ বা পদ্ধতি ব্যবহার করবেন না, যা নতুন বিশ্বাসীর পক্ষে গ্রহণ এবং ব্যবহার করা কষ্টসাধ্য হয় (কেবলমাত্র বিশেষ ঘটনার ক্ষেত্রে ইহা করতে পারেন)।

দক্ষতা ৩. যীশুর আদেশের বাধ্য হওয়ার শিক্ষা দানের মাধ্যমে নতুন বিশ্বাসীদের শিষ্য তৈরী করুন। তাঁর মৌলিক আঙ্গাগুলো হল, অনুতাপ ও বিশ্বাস করা, বাপ্তিস্ম গ্রহণ করা, প্রভুর ভোজ সম্পাদন করা, ঈশ্বরকে এবং অন্যদের ব্যবহারিক উপায়ে প্রেম করা, প্রার্থনা করা, দান করা এবং শিষ্য তৈরী করা।

দক্ষতা ৪. নতুনমণ্ডলীর উন্নতির জন্য নতুন নিয়মের প্রয়োজনীয় কার্যকলাপের শিক্ষা গ্রহণঃ

- অন্যদের কাছে যীশুর বিষয় বলা এবং অনুতাপ বিশ্বাসীদের বাপ্তিস্ম দান করা, লুক ২৪ঃ৪৬-৪৮; প্রেরিত ২ঃ৩৮
- নতুন শিষ্যদের যীশুর আদেশ পালনের শিক্ষা দিন, মথি ২৮ঃ১৮-২০
- মণ্ডলীর দেহরূপে আরাধনা করা এবং প্রভুর ভোজ উদ্‌যাপন করা, মথি ২৬ঃ১৬-২৮
- প্রার্থনা, মধ্যস্থতা এবং আত্মিক যুদ্ধ করুন; পরিবারগুলো একসাথে প্রার্থনা করুক, ইফিষীয় ৬ঃ১০-১৮
- প্রেমপূর্ণ সহভাগিতা তৈরী করুন এবং অভাবীদের ব্যবহারিকভাবে সেবা করুন, যোহন ১৩ঃ৩৪
- দান করুন এবং খ্রীষ্টিয় ধনাধ্যক্ষতা অনুশীলন করুন, লুক ৬ঃ৩৮
- কিভাবে পরস্পরের এবং তাদের সমাজের সেবা করতে হবে সেই বিষয়ে বিশ্বাসীদের শিক্ষা দিন, ইফিষীয় ৪ঃ১১
- পারিবারিক জীবনকে শক্তিশালী করুন, সমস্যায় সাহায্য করুন এবং বিরোধীদের সংশোধন করুন, ২ তীমথিয় ৩ঃ১৬-১৭
- বিশ্বাসীদের তাদের বিভিন্ন অনুগ্রহ দানের দ্বারা পরস্পরের সেবা করার ব্যবস্থা করুন, ১ করি ১২
- নিকটবর্তী অঞ্চলে উপাসক মণ্ডলী এবং কোষ সমূহ শুরু করুন, প্রেরিত ১ঃ৮
- নেতাদের এমনভাবে প্রশিক্ষণ দিন যাতে তারা যখন নতুন নেতাদের প্রশিক্ষণ দেবেন, তখন তারা সেই প্রশিক্ষণকে অনুকরণ করতে পারেন, ২ তীম ২ঃ২

২. অবহেলিত জনগোষ্ঠীর কাছে কর্মী প্রেরণের জন্য সহকর্মীদের সঙ্গে পরিকল্পনা করুন।

এই গুরুত্বপূর্ণ কাজগুলো সমাপ্ত করতে হলে কয়েক সপ্তাহ সময় লাগতে পারেঃ

- কোন জনগোষ্ঠীর মধ্যে এখনও উৎপাদনশীল উপাসক মণ্ডলীর প্রয়োজন আছে তা খুঁজে বের করুন, যেখানে আপনি কর্মী পাঠাতে পারেন।
- আপনার উপাসক মণ্ডলী যে জনগোষ্ঠীর মধ্যে পৌঁছানোর বিষয় পছন্দ করেছে, তার জন্য প্রার্থনা করুন।
- যে বিশ্বাসীরা অবহেলিত ক্ষেত্রে যাবার এবং তাদের প্রস্তুত করার জন্য সঙ্কল্প গ্রহণ করেছেন তাদের সঙ্গে সাক্ষাৎ করুন। তাদের প্রয়োজনীয় দক্ষতার অনুশীলন শুরু করার জন্য এখনি সাহায্য করুন। (ওপরে সেই বিষয়গুলোর তালিকা প্রদত্ত হয়েছে)।
- যারা অবহেলিত ক্ষেত্রে কর্মী পাঠানোর জন্য আগ্রহ প্রকাশ করেছেন সেই সকল বিশ্বাসীদের সঙ্গে সাক্ষাৎ করুন এবং প্রস্তুতিতে এবং কর্মী প্রেরণে আপনাকে সাহায্য করার জন্য তাদের সঙ্গে ব্যবস্থা করুন।
- স্থির করুন, কিভাবে কর্মীদের আর্থিক সাহায্য করবেন। তারা কি আপনার উপাসক মণ্ডলীর কাছ থেকে আর্থিক সাহায্য লাভ করবেন, না কি অন্য উপাসক মণ্ডলী থেকে? অথবা তারা কি আকিলা, প্রিক্সিল্লা এবং নতুন নিয়মের অন্যদের মত স্বাবলম্বী? পরিকল্পনা করুন।
- আপনার উপাসক মণ্ডলীর মিশনারীদের জন্য এবং যে লোকদের মধ্যে পৌঁছানোর জন্য তারা পরিকল্পনা করেছেন তাদের জন্য সাপ্তাহিক প্রার্থনার ব্যবস্থা করুন।
- উপাসক মণ্ডলীর মিশনারীদের কাজের অগ্রগতির এবং সমস্যার বিষয় উপাসক মণ্ডলীর কাছে নিয়মিত কাজের বিবরণ পেশ করার ব্যবস্থা করুন।
- অবহেলিত লোকদের মধ্যে কর্মী প্রেরণের জন্য অন্য উপাসক মণ্ডলীকে প্রস্তুত করতে তাদের পালকদের সাহায্য করুন।
- আপনার অঞ্চলের অন্যান্য উপাসক মণ্ডলীকে কর্মী প্রেরণের জন্য সহযোগিতার ব্যবস্থা করুন।

৩. পরবর্তী আরাধনার বিষয় সহকর্মীদের সঙ্গে প্রস্তুতি গ্রহণ করুন।

আন্তিয়োখিয়া মণ্ডলী কিভাবে পৌল ও বার্নাবাকে প্রেরণ করেছিলেন এবং কিভাবে তারা শিষ্য তৈরী করেছিলেন সেই বিষয় ব্যাখ্যা করুন।

ব্যাখ্যাঃ কর্মীদের প্রস্তুতকরণ এবং প্রেরণের জন্য আপনার উপাসক মণ্ডলীর পরিকল্পনার বিষয় ব্যাখ্যা করুন।

পর্যালোচনা : যে কর্মীদের প্রেরণ করা হবে তাদের দক্ষতার বিষয়গুলোর পর্যালোচনা করুন।

যে কর্মীরা অন্যান্য স্থানে মিশনারী কাজ করেছেন তাদের সেই বিষয়ে বলতে দিন।

শিশুরা যা কিছু প্রস্তুত করেছে তা উপস্থাপন করতে দিন।

প্রভুর ভোজ সম্পাদনের পূর্বে যিরমিয় ৩১ঃ৩১-৩৪ পদ পাঠ করুন। ব্যাখ্যা করুন যে যীশুর রক্ত নির্ভর নতুন সন্ধির বিষয় ভাববাদী পূর্বেই ভবিষ্যৎ বাণী করেছিলেন যা রুটী ভাঙ্গার মাধ্যমে আমরা উদ্‌যাপন করি।

কর্মী প্রেরণের বিষয় প্রার্থনা করার জন্য এবং পরিকল্পনার আলোচনার জন্য দু'তিন জনের ক্ষুদ্র দল গঠন করুন।

মুখস্থ পদঃ মথি ২৮ঃ১৯-২০ একত্রে মুখস্থ করুন।

অবহেলিত জনগোষ্ঠীসমূহ

আপনার কাছে এবং দূরে অসংখ্য জন গোষ্ঠী, সমাজ, নগরসমূহ এবং প্রতিবাসী অঞ্চল আছে, যেখানে যথেষ্ট খ্রীষ্টান এবং মণ্ডলী নেই, যারা তাদের সমগ্র জনসংখ্যার মধ্যে যীশুর সুসমাচার নিয়ে যেতে পারেন। সেখানে খুব কম সংখ্যক বিশ্বাসী আছেন, যারা প্রভুর কাছে প্রার্থনা করছেন, যেন তিনি তাদের কাছে সুসমাচার বলার জন্য এবং নতুন, বহুগুণ বৃদ্ধি সম্পন্ন উপাসক মণ্ডলী শুরু করার জন্য সাহায্য করতে আপনার মত লোকদের প্রেরণ করেন।